

## **Åeniedimmie**

Dah golme unnebelåhkoeh mah naaken dejstie unnebelåhkoegielijste såevmen, meänkieli jih saemien soptsestieh sjiere reaktah utnieh jih aaj nånnoestamme vaarjelimmie sijjen reeremedajvine. Dah diss-vielie reaktam utnieh sijjiem aarhskuvledarjomisnie gusnie darjomem abpe jallh boelhketijjie unnebelåhkoegieline.

Skuvlegiehtjedimmie (Skolinspektionen) tjuvtjedamme giehtjedimmiem dorjeme jih goerehtalleme jis dah tjielth mah reeremedajvi sjsnjelisnie darjoeh dam maam laake kriebpesje. Tjielth jis bievnieh dejtie unnebelåhkojde reaktan bijre sijjiem aahrskuvledarjomisnie utnedh? Tjielth jis sijjiem faelieh darjomisnie gusnie abpe jallh boelhketijjie unnebelåhkoegieline såevmien, meänkieli jallh saemien? Giehtjedimmie aaj giehtjedamme jis tjielth leah goerehtalleme magkerh daerpiesvoeth gååvnesieh aahrskuvledarjomijste unnebelåhkoegieline jih aaj jis tjielth nuepieh utnieh åeliealmetjigujmie gaskesadtedh unnebelåhkoegieline jis dah dam vaejtieh.

Gihtedimmiem darjesovvi gjjren 2011 jih dájpa gaajhkide 47 tjíeltide mah reeremedajvi sisnjelisnie naakenh dejtie golme unnebelåhkoegielide. Ulmie lea giehtjedidh jis tjielth faelieh aahrskuvledarjomidie gusnie abpe jallh boelhketijjie såevmien, meänkieli jallh saemien gieline. Fierhten dejstie giehtjedamme tjíeltijste nånnoestimmiem åádtjeme

### **Medtie nielje dejstie luhkie tjíeltijste eah leah daerpiesvoetide goerehtalleme**

Díhte giehtjedimmie vuesehte mahte bíelie dejstie giehtjedamme tjíeltijste eah darpiesvoetide goerehtamme, jalhts skuvlelaake dam kriebpesje. Eah gånnah króöhkestamme åeliealmetjen vaajtielimmidie darjomen haamoen bijre.

### **Mahte nielje dejstie luhkie tjíeltijste eah nasjovnelle unnebelåhkojde bievnh.**

Gellie tjíelth ij hell dejtie kriebpesjide dåhkesjh mah laaken unnebelåhkoeh bijre nuelelen ahte dejtie unnebelåhkojde bievnedh dej reaktaj bijre aahrskuvledarjomidie sijjen gielesne utnedh.

### **Jinjebe enn fierhten nielje tjíelth eah aahrskuvedarjomidie unnebelåhkoegieline faalh**

Aejkie gåæssie giehtjedimmiem darjesovvi dellie jinjebe enn fierhten nielje tjíelht mah eah sijjiem maanese faalh aahrskuvledarjomisnie gusnie darjomem abpe jallh boelhketijjie naakenh dejnie unnebelåhkoegieline. Unnebelåhkoelaaken mietie tjíelth diedtem utnieh dagkeres darjomem faaledh jis naaken dam vaajta.